

Promer Ministro Henny Eman

PABIEN PUEBLO DI ARUBA CU KITAMENTO DI IMPUESTONAN DI 5%

ORANJESTAD(AAN) -- "Cu e kitamento di e impuesto di 5 % diasabra cu a pasa, Gabinete Eman II a haci algo historico y alavez a duna un señal cla na tur hende den y pafor di Aruba cu en berdad cos ta bay cambia na Aruba", asina Promer Ministro, Henny Eman, a duna di conoce na redaccion di DIARIO.

E decision di kita e impuesto di 5 % ariba importacion di productonan cu a causa aumento di inflacion y a pone casi tur producto y servicio na Aruba subi, ta algo historico.

Pasobra no tabata tin un Gobierno den historia cu ta scohe pa duna pueblo algo bek, pero semper ta haya un



of otro motibo pa splica cu toch mester di e medida y e placa.

Gabinete Eman II tambe por a hacie y ta hopi hende cu a kere cu esey lo a bay socede. Hasta tabata y tin hende cu ta kere cu mester a mantene e medidanan pasobra Gobierno tin mester di e 30 Miyon Florin cu e medidanan tabata trece den caha di Gobierno.

Eman a indica cu sinembargo esnan cu tabata cerca di e tumamento di e decision sa, cu for di cuminsamento, e lidernan di AVP a enfatisa cu a bira tempo pa cambia politica na Aruba y haci loke bo bisa cu bo ta bay haci, of keda keto. A compromete den campaña pa kita e medidanan ora drenta Gobierno y Diasabra Gabinete Eman a cumpli cu su promesa.

Aki por mira cu Promer Ministro Eman tabata enfatico y decisivo manera el a anuncia esaki siman pasa tambe durante di e rueda di prensa. Dia promer di October a kita e medidanan manera priminti.

Segun Eman, e buraco cu ta keda den caha di Gobierno lo mester yena cu otro forma of door di baha gastonan di Gobierno. Ta parce cu ta e caminda aki Gabinete Eman II ta bay sigui.

Ta asina cu a instala un

comision financiero pa medio di un decreto gubernamental pa duna tur hende di conoce cu ta trata aki di mas cu djis un reunion.

Pero cu ta trata di un comision cu tin como unico tarea, pa elimina gasto, aumenta eficiencia y productividad, elimina desperdicio y spaar tur caminda cu por. Ministro di Finanzas a menciona e proceso di retiro voluntario cu ta na caminda y doñonan di trabao a duna di conoce cu nan tin mester di un cantidad grandi di trahador, cu lo no hacie necesario pa busca hedne di afor.

Eman a splica cu pa haci e traspaso di Gobierno pa sector priva mas facil y efectivo, cursonan pa capacitacion ta bay cuminsa. Bon mira, un proyecto grandi y logico cu lo mester a cuminsa hopi añanan pasa y cu awe lo no ahinca Aruba den e problemanan cu e ta aden.

GANADORNAN NA E FESTIVAL DI BIÑA Y KEESHI

ORANJESTAD (AAN): Recientemente Kiwanis Club of Aruba a organiza un Festival di "Wine and Cheese", cual tabata un exito rotundo.

E tremendo ayudo di pueblo a pone Kiwanis den un mihor posicion pa por yuda esnan di menos recurso den e comunidad Arubano.

Un danki special ta bay na tur e patrosinadornan, gerencia y staff di Americana Hotel & Casino pa nan sublime cooperacion.


Como numberman ganador a sali: No. 1651 a gana un Toyota Tercel cu seguro di Empire Insurance pa un año. No. 1622 a gana dos pasashi Air Aruba pa Miami. No. 1610 a gana dos pasashi cu ALM. No. 1695 a gana dos pasashi cu Avenza pa Caracas of Maracaibo.

No. 1556 a gana un renchi dede cu saphire di Shalimar Palace. No. 1390 a gana weekend-stay na Sonesta Hotel of Sonesta Suites. No. 1454 a gana weekend-stay na Casa del Mar. No. 1572 a gana weekend-stay na Caribbean Palm Village. No. 1429 a gana weekend-stay na La Cabana All Suite Beach Resort. No. 1434 a gana weekend-stay na La

Quinta Beach Resort. No. 1551 a gana weekend-stay na Playa Linda Beach Resort. Finalmente No. 1605 a gana un viahe pa dos den Atlantis Submarines.

Esnan cu a gana por yama Kiwanis Club of Aruba na 24622.

ASINA UN MINISTER MESTER TA!!!



TA BENDE

Pinda berde - berde pa herbe di bon calidad. Pa reservacion Tel: 56704 for di mainta te cu anochi. Yama awe cantidad limita